

علوم اقتصادیه و اجتماعیه

مجموعه کلاسی

هر ایک برنجی کوئی نشر اولور

مؤسساری

احمد شعیب ، ترفیق ، محمد مبارک

محررات

روسیه: احمد شعیب ، - فرانسه و دانمارک: احمد و لقی ، -
اصول عمومی و تکالیف: مالی و معقولات: احمد ، - اصول مسکوکات
قدیمه: ابن الحنفی لعلی ، - زراعت: استانبول: احمد ، -
چالو: - اسطراسن مقاوله نامداری ، - بودجه حقیق: تارشی ،
دارالتنویع: معملارندن زعمدی ، - فرانسه: سلطان کبری: احمد شعیب ،
پورسه: معملاتی

مدیر و صاحب امتیازی:

محمد مبارک

نسخه سی: ۱۰ غرورش

استانبول

- امور اداره و تحریریه: طبعین مطبعه سی

۱۳۲۶

علوم اقتصادیه و اجتماعیه مجموعہ سی

روس

تجربات محیطیہ و معشریہ

۲

روس طویراغنی ، روس اسلاولرینک شجرہ ذریعی ایله امرجہ سنی اولکی مقالہ تمزده تدقیق ایستدک . شیمیدی تاریخک روسیہ یه نه کی عناصر مدنیت کتیردیکنی یعنی اعصار مدیده عرق ایله اقلیمک تاثیراتی ناصل تأیید و تعدیل ایله دیکنی ، ملتک طبیعت اساسیه سنده ، مؤسسائنده نه کی ایزلر، نشانه لر بر اقدیقنی تجری ایده جکز . واقعا بعض روسلر ، روسیه ناک کندینه مخصوص بر تاریخی ، عنعنائی اولمادیقنی یازیورلر سده بو ادا تاناک دوغر اولمادیقنی کوره جکز . اکر دیدکری کی بیک سنه لک بر حیات تاریخیه ارض ملی اوزرنده انجیق بی ثائده انقاض و یاخود تملسز و چتوسز انشا آت ترک ایتش ایسه بونک سبب و حکمتی اوکوره بجاک یه روسیه ناک ماضی^۱ تاریخچیسیدر .

اوت ، روسیه ناک اوزون بر ماضی^۲ تاریخچسی وارددر ؛ لکن موجودیت ملیه سنک زنجیری ایکی اوچ کره اودرجه شدتله قیرلمشدر که حلقه لر یهنوز یکدیگری نه باغلامادیقندن بر نوع تمادی و مربوطیت مسأله سی موجوددر . روسیه ، ماضی^۳ تاریخچسی کندی یا تمقدن زیاده باشه کلن بر مصیبت کی چکمشدر . ممالک غریبه مثللو تاریخ ، روسیه ناک بر اثر ذاتیسی اوله جق ، دهای ملیسنک سربستی^۴ انکشافدن تولد ایده جک ایکن تماماً عکس حال جریان ایتمشدر . ایشه بوجته لاه روسیه ناک تاریخی آوروپا اقوامنک تاریخندن زیاده آسیایه مشابهدر . طبقه بالادن و اجنیدن نبعان ایدن بوتاریخ اکثریا خارجی و سطحی قالمش و بوجه ایله روس ملتک اوزرندن کلوب کچش و بعض زمانلر دده اونی درین بر صورتده آکمشدر . روس مدینتنک غرب

مدنيته نسبتله پك آشاغى اولماسى اسباني اقليم وعرقده دكل جغرافيا و تاريخده آرامالى در. اجانبدين بر چوغي وبالحاصه قاتوليكلر بوسبى اور تودوقس مذهبنده، آلمانلرده جرمن تأثير و نفوذنيك فقدانده بولويورلر . بعضيلرى ايچين ده بو، قلاسيك توارندن محروميته ويا تاتار ومونغول بويوندورغنده مندمجدر .

اساساً آوروپا ايله آسيا ييتنده بر خط فاصل تشكيل ايدن ودامارلرنده هر ايكي قطعه پك ده قانى آقان روسيه اخلاقاً وسياسهٔ هانكيدنك اولاديدر؛ روسيه هانكي نقطه ده آوروپالى وهانكي جهندن آسايندر؛ روسيه ايله آوروپا آراسنده كي فرق عظيم بر درجهٔ مدنيت فرقيميدر ؟ ايشته اكثر روس مورخلرينك حل ايتكه چايشدقلى مسألهٔ مهمه . روسيه آوروپانك مواجهه سنده كنديسى اونك بر شاكردى كبي عدايده رك طريق تقليده دوام ايتمه ليمي، يوقسه غربه بر اجنبي كي قاله رق مزاجنه، دهاسنه اويمايان اقتباسدن فراغت ايتمه ليمي؛ بيوك نيه ردن اعتباراً اختيار و كنچ روسلر ييتنده يعنى موسقوا ايله پترسبورغ آراسنده باديء اختلاف اولان نقطه بودر. غربى تقليد ايتك طرفدارانى ديورلر كه روسيه ماضي سنده، غنعتانده كنديسى آوروپادن تماماً تفريق ايدن هيچ بر شيهٔ مالك دكلدر. يعنى شخصى بر تربيهٔ مليه و محليه سى اولمايوب يالكرز غربده كي قومشولرندن بر از كرده در بلكه روسيه هنوز قرون وسطا عالمده قالمشدر ؛ لكن آوروپا تربيه سنى آنانسه هيچ بر مانع يوقدر. اسلاو و بيلر لراه عيني فكر له ملهم بر چوق وطن پرور لر نظر نده ايشه روسيه بالعكس آوروپادن تملدن غرقليدر: منشأى، مؤسسات اجتماعيه سى، عناصر تربيه و عيسى اعتباريله روسيه تماماً باشقه مقدراته مدعودر. عائليه، ملكيتى، اولى الامرى طرز تلقيسى ايله روسيه بر مدنيت جديده اقومنه صاحبدر ؛ و بومديتنيك استقبالى غربك خسته مدنيتدن ده ائي و ده ابارلاقدر .

اجانبك ربهٔ اسارته قارشى اولان بو عصيان اساساً ينه بر نوع

تقلید در . ۱۸۳۰ ایله ۱۸۴۸ سنه لری آراسنده آلمانیده فلسفی ، تاریخی هر درلو نظریات و فرضیات پک زیاده موقع اقباله ایدی . ایشته موسقوا اسلاووفیللری دعوالرینک عناصر ابتدائیه سی و نظریه لرینک شکلی آلمان مه تانیزیک ایله منطقدن وبالخاصه هه کک فلسفه تاریخنن اقتباس ایشلردر هه کک دساتیر تاریخیه سی روسیه یه ، اسلاولره تطبیق ایدرک وطنلری ایچین پک بیوک براسقبال دعوا ایدیورلر . بالاخره اسلاووفیللر مه تانیزیک ده ترک ایدرک مذهبه ، ملتک طبیعت اساسیه سنده ، حق تصرفه ، حکومتک صورت تشکله روس حیاتک استناد ایتدیک اقایمی تحری به باشلادیلر . وبوصورتله نگر بک مدنیته ، تحکمی علناً رد ایدرک اونک پک فوالولدیغی سویله دیلر و « اصول تعیم » سایه سنده وطنلرینه خاص برمدیت ده کشف ایدرک عنعنات ملیه ایله آوروپا حیاتک اساساتی بیتده کی منافع لریده کوستردیلر . بزم ایله یاپدقلری محاربه اخیر مدیت غریبه یه عطف ایدیلن نیلیزم سؤ قصدلری موسقوا ده اسکی روس فکرینک بر تمثال مجسمی کی آاقیشلانان اوچنچی آلکساندرک مقام سلطنته کله سی بو نوع نظریاته آانی برنقوذواقتدار بخش ایدی . اقوام ، بعض کره اجنپیه قارشى کندیلرینی مدح ایتک احتیاجی حس ایدرلر . روسیه ده بو احتیاج بعض زمانلر ده پک شدتلی اولور . اسلاووفیللر بزم برنجی نیتقولا زماننده روسلرک اون سکنرنجی عصر فلسفه نه پرستش ایتلرینه قارشى رعصیان مشروع کی دوغمشدی . بو ائنده اسلاوو فیلر ، روس تاریخه ، مفاخر ملیه یه پک بیوک خدمتلر ایتدیلر . برمدت بو جریان اجنپیه قارشى ملیتک فائده لی و سلامتی بر عکس العملی اولدی . لکن عزت نفس ملی اجنپیه تحقیر درجه سته کلیرسه اک فنا ناصحلردندر . هم بو ، هر مملکتدن زیاده روسیه حقنده پک فنادر . ایشه اون طقوزنجی عصر ده چارلرله تبعه بویه ایکی شتلف فکر آراسنده دولاشمهلردر .

مدیت آوروپایه اوچ تله مستندر : بو تمللردن بری خرسیانیت

دیگر لری ده غره قورومهن نامی ویریلن قلاسیک عنصری ایله جرمن یاخود باربار عنصریدر . بوتون دول غریبه عینی مواد انشائییه ایله عینی اسلوبده یکدیگرینه آز چوق مشابه برپلانه توفیقاً بنا ایدلمشدر . ایسته غرب تربیه ومدنیتهک استنادایتدیکی بواوچ بیوک اساس روس تمللرندهده موجودمیدر؟ حفریات درجه کافیهده اولق شرطیه بو اساساته عینی نسبت و عینی اهمیتده اولماق شرطیه تصادف ایدیلیر : ازمنه قدیمه ، روسیه قطعه سنده یالکز « پون آوکسن » سواحلی بیلوردی . یونانیلر یالکز سواحله بعض مؤسسات وضع ایده بیللمشدر . رومالیلر ایسه ملی بر حکومت تأسیس ایتدیلر . لکن رومالیلرک غنده طونه وقارا دکر ساحلری برنوع سربا کبی ایدی که جرائم سیاسیة اصحابی نفی ایدیورلردی . قرون وسطاده بو قطعات استنبول سایه سنده اوزاقدن اوزاغه یونان و رومانک تأثیراته هدف اولدیلر . لکن بو تأثیرات اورالده اساساً دوچار فساد اولش بر منبعدن کیوردی . روسلرک روما مدنیتهندن طانیدقاری حال انحطاطده بولونان ییزاندن اوکرندکلری شیدن عبارتدی .

باربار عنصرینک اوینادینی رولک نوعی ودرجه اهمیتیه ایسه بوس بوتون باشقهدر . دول غریبه کبی روس دونئی ده جرمنلر طرفندن تأسیس ایدلمسه بکزر . بو کیفیت روسیه نک آوروپایه مشابتهتک ایلک علامتیدر . بوتون آوروپاده بررول اوینایان جرمن عنصری روسیهده تماماً مفقود دکلدر . اغلب احتمال آوروپایی خراب ایدن نورمان ماجرا پرستلری عینی تاریخده روسیهدهده مختلف خاندانلر تأسیس ایده رک مدوقوزنجی عصرده دونتک تمللریخی آتدیلرکه بوندن روس ایمپراطورانی میدان چیقدی . وقعه نویسنستور ، روریک وبرادرلرینک اغتشاشات داخله دن ییقبو اوصانان نوغورود اسلاولری طرفندن مقام سلطه دعوت ایدلکلریخی یازیور . واقعا بعض روس مورخلری روریک ورفقاسنک اسقاندیناویالیرله مناسبتی رد ایدرک ایمپراطورلغک مؤسسلرینه دهاملی برمنشاً آرمایه تشبث

ایتدیلر . نیورک روما تاریخچه تطبیق آیه دیکی اصولری مملکتلرینه پک کچ تطبیقه چالیشدیلر . لکن بومساعیه رغما کشفیات حاضرۀ تاریخیه وارغلرک شالدن کلدکلرینی اثبات ایلاور . رؤسانک طبایع اصلیه لری ، استیلا ایتدکلری اراضی نی صورت تقسیماری و محاربه لرینک طرزشکلده بو آدم لک اسقاندیناویایه منسوبیتلرینی تأییدیلر . بونلر ، استانبوله طوغرو برطریق تحری ایدن نورمانلر اولوب نوعورود وکیفی ضبط ایتمه لری اوزرینه بالطیق وقارا ده کیز بیتده عسکری و تجاری بردولت وجوده کتیردیلر . روسلرک ایلک قانونلرنده ده جریمه نلرک تأثیراتی مرئیدر . دوریکدن بریوچوق عصر صوکره باروسلاف طرفندن تنظیم ایدیلان قوانینده نورمان عادتلری مندجدر . اقوام غریبه کی اوزمان روسلرده ده دوللو اصولی ، بعض جنایات ایچین جزای نقدی قبولی ده واردی . بو ایلک روسیه ایله جریمه ن قبائلی طرفندن مؤسس آوروپا دولتلری آراسنده بویله برچوق نقاط مشابیت ذکر اولوناییلر . مسأله ، وارغلرک تأثیراتی بحق تقریق ایتمکده در . جریمه نلرک روسیه ده برقادی نی نشانلر غریبه نسبتله ده آز درین اولدیغندن پک چوق مدت دوام ایده مه مشدر .

برچوق مملکتلر کی روسیایه ده خرسیتانیی اذخال ایدن برقادیندر . برنوع روس قلویتلیدی دیمک اولان اولغا ، و قتیله استانبولده واقیز ایدیلهرک اورتودوقس مذهبه کیرمشدی . اوغلی ایسویاتوسلاف والده سنک دینی رد ایتدیه ده حفیدی ولادیمیر قبول آیه دی ایشته بو ذات روسلرک هم قلوویسی و هم ده شارلمانیدر . روسلر قدر هیچ برقوم خرسیتان دینه اودرجه سهولتله کیرمه مشدر . واقعا زوسیه خرسیتانیت ایچین برعصردن بری بیزانس ایله مناسبتدن طولایی حاضرلتمدی . ولادیمیر تبعه سنی خرسیتان یاپه رق اونلری آوروپا اقوامی میانه اذخال ایتدی . اساسا خرسیتانیت آوروپانک والده سی اولمقدن زیاده برمود نینه سیدر ؛ لکن شیمدی یه قدر هیچ برمملکت ژاپونیا و تورکیه مستتالولمق اوزریمدیت

جدیدیه خریستانیک خارچنده برقاپودن دخول ایتمه مشدر . وبخصوص ولادیمیر زماننده خریستانیت آوروپانک حدودا خلاقیه سنی کو ستریوردی . ایشه بوحدودی روسیه اوتجی عصردن اعتباراً کچدی . یالکز شوفرک ایله که روسیه یه صلیب ، روما طریقله دکل بیزانس یولندن کلشدر . ایشه روس مدینیک عناصرینی طانیق ایچین اورتودو قسقلنک قیمت مدنیه سنی تعین ایتمه لیدر . شرق کلیسایی روسیه نی جمهوریت خریستانیه نک قاپوسی اوکنده صانکه آفوروز ایدلش کی برحاله براقدی . کیه نک بویوک کنازلری زماننده روسیه ، بیزانک برنوع مستملکه سی کیدی . روس متره پولیدلری روم اولدینی کی بویوک برنسلرده روم برنسلری آلمقدن وبوغاز ایچنه کیتمکدن خوشلانیورلردی . ولادیمیر و یازوسلاف زمانلرنده آجیلان متعدد مکتبلر بیزانس اصولنده اولق اوزره روملر طرفندن تأسیس ایدلدی . ایکی عصردن زیاده استانبول ایله روسیه آراسنده دینی ، اقتصادی ، صناعی پک صیقی و صمیمی مناسبات وقوعه کلدی . حاصلی بیزانس ، روسلرک اخلاق وعاداتی ، طبیعت اساسیه سی ، ذوقی اوستنده اویله درین نشانه لر بیراقشدرکه بالاخره بوایزلری تاتارلرده سیلهمه مشدر . کنج روس ایمپراطورلغی ، ایلک جمعیت آموزجنی بیزاننده ، اوتوقراسیده بولدی . روم معمار و صنعتکارلری طرفندن ترین ایدیلن کیهف بیزانک کوچوک برموده لی کیدی . ده اوزمان روسیه ، آوروپانک اک واسع بر دولتی و اک تجار بر حکومتی ایدی . ظن اولونیوردی که روسیه شرقی روما ایله غربی لاتین آراسنده برخط اتصال وظیفه سنی ایفا ایده جکدر . لکن نه چاره که تاریخ بوتوسع طبیعی اوکا ویرمکدن امتناع ایتدی . حیات تاریخیه نیک هنوز دور شاینده ایکن نشو ونماسی وقایع بشریه نیک اک مهمارندن بری ایله دوچار انقطاع اولدی : مونغول استیلای روسیه نی یالکز اوچیوزسنه کری یه آتمقه قالمادی ؛ اونی آوروپا طریقندن انحراف ایتدیردرک ، تماماً بیکیانه اولدینی اخلاق وعادات ایچنده شکل اصلیسیده

تغیر ایدیوردی . ایشته بوصول ~~ک~~اون اوچنچی عصرک ابتداسنده ،
مدنیت غریبه نك فجریده جنکیز خان روسیه یی آوروپادن بوس بوتون
آردی ...

واقعا موقوفول استیلاسدن اولده ایلك روس ایمپراطورلغتك توسعه
داخلی برخستلق ، حاکمیتک تجزی وانقسامی مانع اولمشدی . روریکک
بوتون اولاد وانسانی میراندن، دهاطوغروسی ملکیت مشترکدن برحه
آلق حقته مالکدی . بویوک اولادک یغنی اقامتکاهی کیه فده اولان بویوک
کنازک قارده شلری اوستنده یالکیز برقوق ملیسی واردی . ایکی یا اوچ
نسل صوکره بو طرز تقسیم مملکتی برطاقم کوچوک پارچه لره تقریق ایتدی .
روسلرک تیار وزعات اصوللریله آوروپانک دره بکلکی عینی شی دکلدی ؛
فقط بوتقیساته رغماً ملت کی حاکمیت ده برولایتجی عد اولیوردی .
کنازلرک انجق حق انتفاعی طانمشدی . روسیه عینی قانه مالک پرنلرک
برنوع « فده دراسیون پاتریارقالی » تشکیل ایدیوردی . لکن بواصول وعادتدن
بالضروره برطاقم محاربات داخلیه تولد ایتدی که ، بو پرنلرک ضعفی
موجب اولدی . یالکیز شووارکه بودوره رقابت و خصوصتمده عقیم اولمادی .
بومبارزه لر سایه سنده روسیه حیات تاریخیه سنک اُک معظم براتری ایضا ،
بویوک روسیه دنیلن قطعات واسعه یی استعمار آلییوردی . غیرت دینیه
ویا احتراصات سیاسی هرکنازی کندی حکومتی بویولمکه تشویق
وچوجوقلریته فضله ایراد براقق ایچین ده شهرلر تأسیس اتمکه سوق
ایدیوردی . اهالی یاواش یاواش هر طرفه داغیلیمغه باشلادی . اسلاو
مهاجرلریله محلی قینو آلر آراسنده ایسه خریستانیّت خط اتصال وظیفه سی
کورددی .

موقوفول استیلاسی دیمشدم ، روسیه نك رشتۀ مقدراتی اون اوچنچی
عصرک ابتدا سنده قویارمشدر . بویوک فلاکت ، اوزمان اوروپا یاله آسیا آرسنده
حکمه فرما اولان بویوک مبارزه نك برحادثه سی در . روسیه ، عالم خریستانیّتک

جناح یسارینی ، اسپانیا یعنی مدافعه ایلرکن فرانسه ، ایتالیا ، آلمانیا ، انکلتزده دشمنك مركزينه هجوم ایدورلردی . بو ائشاده اك تهلكلی بر موقعده بولان و آوروپا طرفدن تك باشنه ترك ایدیلن روسیه هان محو اولق اوزره ایدی . جنکیز خانك اردولرینه قارشى اتحاد ایدن روس پرنسلى ايلك مصادمهده وطنلرینی قهرمانانه بر صورتده مدافعه ایتدیلر . « ۱۲۲۴ » لکن بالاخره ولادیمیر وکیهف ایله بر جوق شهرلر جنکیز عسکرینك مهاجراتنه مقاومت ایدمهرك تسلم اولدیلر . روس ملتى اورتهدن غائب اولویور کیدی . لکن طبیعت ، روسیه یی برجهتدن قانلی استیلالره معروض براقیدینی کی دیگر طرفندن ده مسئولیلرک حدودینی تعیین جنوب شرق سئیرینك حاکمی اولان تاتارلر ، شماله یاقلاشدقجه موقعلری قنالشیدغندن اورالره یرلشه مدیلر . عشائره مخصوص اخلاق وعادتلرینه پك آوروپائی کلن بویرلر اهالیستدن یالکز ویرکی ایسته مکله اکتفا ایتدیلر . کنازلر ، اسارتلرینی مونفوللردن متمدنوزعات اصولی ایله صاتون آلدیلر نزدلرنده اقامت ایدن تاتار سفیرلری تحصیل تکالیف وتحریر نفوس اجراسیاه مکلف ایدیلر . ایشته بویوک خانك تخمینی اولق سایه سنده روسیه ، خاندانی پرنسلیرینی ، مذهبی ، پاپاسلرینی وقومیتی محافظه ایده بیلیدی . هیچ برملت روسار درجه سنده صبروتحمل کوسترمه مشندر . سن علكساندر نهوسکی ، قیرمانلغك دنائته سرفرو ایتدیکی بر زمانده کی پرنسلك انموزجیدر . اسوچ وبالطی سواحلنده کی شوالیه لره غلبه ایدن نهوسکی ملتى قورتارمق ایچین تاتارك اوکنده کندیسنى حقیر یاپدی . ذاتاروس پرنسلىنك اسلحه سی استرحاملر ، هدیه لر ، آتریقهلردن عبارتدی . توسیع نفوذ ایتك ایچین بو وسائطی پك کنش بر صورتده استعمال ایدورلردی . مثلاً دشمنلرینك یاننده یکدیگرینی اتهام وتحقیر هایشلادیلر بو طرز حیات ملتك تربیه ایتدیه سنی افساد ایتدی . یالکز شمال غریبنك نوغورود ، پستوف کی بعض نقاطی اوزاقلقلری اعتباریه استیلا دن مصون قاله رقی اعتباری بر تابعت آئنده حر

و آوروپائی برحیات یشادیلر . عمومیتله بوربقه اسارتک یک فنا نتیجهلری اولدی . اشخاص کی اقوام حقدهده اسارت مضر برشیدر . روحی او قدر درین بر صورتده اکر که استحصال حریتدن سوکرده دوعرولمق ایچین عصرلر لازمدر . مدت مدیده قهر و تضیق آلتده ایکلہین بوتون عرقلر بوحالت روحیهنی پک ایی حس ایدرلر . اسارت دنائی ، تکاپوی ذلیلانه ، حقارتی تولید ایدر . طبیعت روسلری اقتیاده ، حزنه ، توکلہ آیشدیرمش تاریخده بویولده کی تمایلاتی تأیید ایتشدر .

تاتار تحکیمک نتایجندن بری ده مذهب ملیه ویریلان اهمیتک تزیادی اولدی . بونقطه دنده روسیه اسپانیائی تحطیر ایتدیرر . فلاکت ، دینه قاب بشری یا قلاشیدیردینی کی اقوامک روحنی ده آچار . دین خصوصی ماملر کی عمومی فلاکتلر دنده یکی بر قوت استحصال ایدر . تاتارلرک مملکتہ استیلاسی اوزرینه هرکس بونی کناهلرینه قارشى بر جزای الہی عد ایدرک پاپاسلرک آغوشنه آتیلور ؛ امنیت شخصیہ یه وسکون روحه یکانہ ملجأ اولان مناسترلرہ هجوم ایدور ؛ ضرورت وسفالت ایچنده ایکلہین ملت ماملکنی کیلسایه مدیه ایلوردی . تاتارلرک یولتیقه سی ده مذهبله رهبانک منقعتہ خادمی . خانلر کندیلرینی اورتودوقس مذهبنک حامیسی اعلان ایدرک مؤسسات خیریه املاکنی تکالیفدن عفو ایتدکلری کی متره بولیدلریده بویوک پرنسلر کی بالذات نسب وتعینه باشلادیلر . اووقت روسیه ده دین ووطن عینی شیدی . دین قومیت یرینه قائم اولهرق اونی محافظه ایدوردی . اورتودوقسلیق وطنپرورلکک اسالاسی ایدی . روسیه یاپدینی محاربه لرده هپ دینی آلت اولهرق قوللانمشدر . تورکلرله تاتارلرله قارشى یاپدینی کی لیلیار ، اسوچلیار ، آلمانلرله اولان محاربه لر دنده هپ بویله بر شکل مذهبی کیدیرمشدر . وطنپرورلکک دیندارلق وتعصب سایه سندہ قوتلنیوردی . حکومت اهالینک روسیه نی یکانہ اورتودوقس طورانغی ، براض مقدس کی تلقی ایتمه سنه چالیشهرق نتیجه ده موفق اولدی .

تاتار ربقة اسارتك حاكيت مليه يه تماس ايدن نتیجه لرندن بری وحدت
 مليه اساسی تهیه ، دیگری ده « اوتوقراسی » نامی ویریلن شکل حکومتك
 قوتی تزید ایتك اولدی ؛ اراضیتك صورت اداره سی جمیتك انحلاله
 بادی اوله حق کبی کورونورکن اجنبی تضییق بوتون روسلری بربرینه میر
 برزنجیره باغلادی . دینکر طرفدن آسیا تیرانلی پرنسلره ظالمانه برادره
 حکومته مساعده ایتکله آرتق بوتون حریات ، بوتون حقوق و امتیازات
 اورنادن قالدی . آریستوقراتیک ویا ده موقراتیک حکومت تخمیری
 ازیلدی . یالکز برقوت ، بویوک پرنس ، اوتوقراسی قالدیرکه بوشکل
 بشیوزسندن زیاده روس مبنای اجتماعی واداریسك تملی تشکیل ایتدی .
 بعض روس مورخلری موسقوا اوتوقراسیسك اساسی بویوک روسه نك
 شرائط اقلیمیه و اقتصادی سنده ، قومك فطرتنده آرایه رق جنکیزوورثسك
 اوج عصر سورن تحکمندن تماماً خارجی وسطی برتأثیر قبول ایدورلر .
 روسلرک تاتار تأثیری و نفوذی حقنده یوروتدکلری محاکماتك عینتی اسپانوللرده
 عربلر ایچین یاییورلر ؛ وشبه جزیره نك عصرلرجه مدت عربلر طرفندن
 اداره ایدلسنه رغماً اولنلرک اهالی اصلیه اوستنده کی تأثیر اخلاقیلری
 قبول ایتیمورلر . بونوع مدعیانده برجزء حقیقت واردر . نه تاتارلر روسیه یی
 ونه ده عربلر اسپانیایی وجوده کتیرمشدر . فقط برملت عصرلرله باشقه
 برقومك تحت تابعیتنده قالوبده اونك تأثیر و نفوذندن کاملاً قورتولماسی ده
 ممکن دکلددر . انجق شوراسنی بیلمه لیدرکه روسیه ، تاتارلردن اولده باشقه
 تأثیراتك آتنده قالمشدر . ولادیمیردن بویوک پی یهره کنجیه قدر روسیه
 ییزانسك نفوذندن کاملاً قورتولامامشدی . ییزانس بونفوذی رهباتی
 مکتبلی ، قانونلری ، ادبیاتی ایله ادامه ایتمشدی . موسقوا ، اوتوقراسیسی
 مونغول خانلری قدر ییزانس ایمپراطورلرینه ده مدیوندر . روس پرنسلری
 ییزانلیلردن مراسم و تشریفات خصوصنده برچوق شیلر اقتباس ایتمشدر .
 مستوریت و حرم اصولی ده تاتارلر درجه سنده ییزانسلیلرده عطف

اولونابیلیر؛ دیگر طرفدن اوزون البسلر، قامچی و بعض نوع مجازات جسمانیده ییزانسدن کله در. حاصلی برچوق مدت تاتارلرک تبعه سی ویزانسلک شاگردی اولان موسقوا برهوا ی شرقی نفس ایتشدیر .

موسقوا کنازلردن ژان قالینا ۱۳۳۰ تاریخنه طوغرو بویوک پرنس عنوانی آلهرق ثروتیه برابر اقتدارینی ده سرعتله تریید ایدیور . عائیهنک یکانه قهرمانی اولان کوچوک اوغلی دیمتری دونسقوی تاتارلره هجوم ایتک جسامتنده بولنیور . بالاخره خلفاری ذکا و مهارتلی سایه سنده موسقوانک نفوذ و اقتدارینی اعاده یه موفق اولویورلر . وبوصورتله روسیه ، یاواش یاواش اتحاد ایدرکن تاتارلر آراسنه محاسده استرقاییه و تفرقه حصوله کله رک خانلق اوچ قسمة آیریلیور . اون بشنجی عصرک نهایتنده ایسه حقیقی بر بویوک حکمدار اولان اوچنجی ایوان کیریور . بو، قزان خانلغی دول تابعه درجه سنه تنزیل ایتش و درنجی ایوان ده اژدرهانی آلهرق بویارلرک نفوذینی بوس بوتون قیرمشدر . ویاواش یاواش صوک امارتلر ، صوک سربست شهرلرده قالدیریلهرق عینی زمانده بوتون پرنسلرک وملتک حقوق ده محو اولمشدر . بحر جزردن بحرایضه قدر اتحاد ایدن روسیه ده اوزماندن اعتباراً آوروپانک اک بویوک برامپراطورلنی میدانه چیقمشدی که بو ایمپراطورلق داخئنده آرتق چاردن ماعداصاحب نفوذ و اقتدار کیسه قالمامشدی . زادکانک یکانه امتیازی غاصب بوریس غودونوف طرفدن صورت قطعیه ده اراضی به باغلانان کویلینک اسارتندن عبارتدی . قومک هیچ بر صنفه حکمداره قارشی نه بر حقوق ونه ده بر حریت ویرلمشدی .

بوتون اقتدار وقوایی، بوتون حیات مایه یی آئنده جمع ایدن اوتوقراسی ، عیجا تاتارلرک تضییقندن ویا ییزانسدن آلتان درساردمی تولد ایتدی ؛ خایر ! بونی طبعندن روسیه نک شرائط اقاییمه و اقتصادیه سنده ، موسقوا دولتک بویودیکی واسع ولکن فقیر قطعاتده ، مملکتک مساحه سطحیه سیله نفوسی آراسنده کی نسبت سزلکده آرامالی در . بونی حدود صحرالرده پایدار

برشی تأسیس ایتنه‌ك نه درجه مشكل اولدیقى دوشونمه‌لی در . کوبلی‌نی
طوپراغه باغلامق ایچین بيله نهایت اسارته مراجعت مجبورتی حاصل اولدی .
اقدار حکومت وجود اجتماعینك ضعیفی ايله غنرکافی اولان توسع وانکشافنك
بر نتیجه طبعیه‌سی ایدی . روابط داخله‌نك ضعیفی بوتون قوای مایه‌نی
اوتوقراسینك آللرنده طوپلامقاه تضمین اینلندی .

ایلك رومانوفلرک روسیه‌سی ، اون یدنجی عصر موسقواسی نه جهتدن
آوروپایه منسوبدر ؟ اساساً روس ایمپراطورلنی بنای معظمی ییزانس
ومونغول ، غوتیک وره‌نه‌سانس اسلوبلرندن مقتبس ، مشوش برطرز
معمارینك محسولی در . وروسیه تاریخنده آلتزیاده جالب دقت اولان‌شی‌ده
اونك عقامتی در . ملل غربیه‌ده اوقدر مهم اولان حرکات عظیمه‌مذهبه
وفکریه ، ادوار عظیمه اجتماعیه وسیاسیه‌روسیه‌ده مفقود کیدر . مملکت
اختیارنه‌ده اوزرنده‌کی هرشی یکیدر . روسیه‌ده نه‌فئودالیته ، نه‌شووالیه‌ك
نه‌جستملر ، نه‌شارتلر ، نه‌قومونار ، نه‌ده‌بورژووازی اولمشدر . شهر بيله
یوقدر ؟ موسقوا ، کوبیلرک دولتی ایدی . حالوکه شهرسز ، ثروتسز ،
صنعتسز ، علمسز ، حیات سیاسیه‌سز مدنیت‌ده یوقدر . روسیه آوروپا
مونارشیلرینك نه‌آلات ونه‌ده مؤساتنه‌مالکدی . موسقواده شاتو وسرای
اولمادیقی کبی مملکت‌ده نه‌طرق مذهبه ، ونه‌ده اسقولاسیتك اصولی ،
نه‌بویوک ارتدادلر ، ونه‌ده بویوک قونسللر اولمشدی .

تاتار بویوندوروغندن قورتولان موسقوا قرون وسطانك اك
پارلاق بر دوره کالنده اویقودن اویانمشدی ؛ لکن نه‌شووالیه‌سی ،
تروبادوری ؛ نه‌ده ره‌فورماسی ، اسقولاستیکی ، ره‌نه‌سانسی‌واردی . اون
ایکنجی واون اوچنجی عصرلرده‌کی وقایع عظیمه‌نك روسیه ، آنجق
اوزاقدن اوزاغه عکس صدمه‌سنی حس ایده‌بیلمشدر . بوجه‌تله‌درکه
روسیه‌تاریخی فقیروبی رنگدر . یکدیگرنی متعاقب روم ، تاتار ، لیتوانیه‌ن ،
له ، آلمان وفرانسز ملتارینك تحت تأثیرینده‌قاله‌رق وقتی اجانبك افکار

وعاداتی اقتباس و تقلید ایتمکله کچیرمشدیر . اون یدنجی عصرده روسیه هنوز رشی، ابتدائی مؤساته مالکدی . تاتارلرک تضییق و لیستانه قارشی قارشی اولان محاربهلر بوتون قوابسی اتمشدی .

اوچنجی ایواندن اعتباراً روس حکمدارلری آوروپا ایله پیدای مناسبتہ چالشیورلر، چارلرک اکثریسی اجانبی ملکترلرینه دعوت ایتدکری کبی غربک صناعات و اختراعاتی ده آلمغه غیرت ایدیورلر، آوروپا اخلاق و عاداتی اولا لهستان لیتوانی کبی همجوار ملکترلر دن نفوذہ باشلا یهرق بالآخره بو ، آلمانیا ، انگلتره هولاندا ، ایتالیا و فرانسه یه قدر دائرؤ شمولئی توسیع ایلور . اون بشنجی عصرده اوچنجی ایوان غرب حکمدارانیا ایله مناسبتده بولونهرق اونلر دن حکیم، صنعتکار ، عمله ایسته یور . اووقت بوتون عالم خریسیانیتک مریسی حکمنده اولان ایتالیان بیزانس و آلمانیا طریقته معمارلر، مهندس لر کادی . اوچنجی ژان و خلفلری زماننده قردمله ننگ ائک کوزل قولهلرخی انشا ایدنلر بولونیا و یاوندیک صنعتکارلریدر ، ایسته روسیه هان ایلک کونندن اعتباراً بوصورتیه اجنبی یی تقلید ایله ایلریده بویوک پی یهرک تمقیب ایده چکی یولی شیمیدین چیزیسور . روسیه اول امرده مادیات نقطه سندن اوروپایه یاغلاشیور . زوجہ سی برایتو آنیالی اولان دردنجی واسیل قارینه خوش کورونمک ایچین اوروپانک معنویاتی یعنی اخلاق و عاداتی ده آلمغه باشلادی ...

روس تشکل اجتماعینک ائک شایان دقت تقاطندن بری ده اهلانینک یکدیگزندن متفرق غروپلره ده ها دوزیریسی « قاست » دینه بیله جک صنوفه انقسامیدر . تاریخ و قانون روس ملتیی تملندن تپه یه قدر بربرینک اوزرینه قومش مختلف قومارتیمانلره آیرمشدیر . روس جمعیتی بوصورتیه اوزاقدن باقلدینی وقت درجانه منقسم بر پیرامید مستطردسی اراء ایدر . هر درجه ده یته برطاقم سلسله مراتبه تابعدر . لکن یاقیندن تدقیق اولونورسه بورسمی چرچیوهلر دروننه مرتب بر صورتیه قونان صنوف

مختلفه اهالی اجتماعی غرقلر وهم ایدنلری ممنون ایتمز . روسیه نیشکل
اجتماعیسی اساسندن بریده کویلیلرک اسارتی ایدی . بوتلرک ربقه اسارتدن
قورتولمالری اوزرینه ترتیبات قدیمده صارصیلدی ...

قانون روسیهده باشلی دوت صنف طایفه : زادکان ، رهبان ، اهالی
شهر و کویلیلر . تاهندستاندن اسقاندیناوییه قدر بردرجه مدنیت داخلنده
بودرت صنف موجوددر . لکن غربی آوروپاده اقوام مختلفه نك حال
حاضر اجتماعلری نه اولورسه اولسون ، اسپانیاده ، اینالیاده ، آلمانیده ،
بلجیقاده اصالت ، بورژوازی ، کویلی ... عینی معنای مفیددر . چونکه
بو صنفلر اوزاده عینی زمانده وعینی اسبابک تحت تأثیرنده تولد ایتمشدر .
بوتون لاتین ویاجرمهن آوروپاسی همان عینی مؤسسه مالکدی . اووقت روسیه
آوروپا عاقله سنده داخل اولمادیغندن صنوف مختلفه نك مشابهتی یالکتراسامیده در .
واقعا بوسلسله مراتب روسیهدهده قرون وسطی عالمدهدوغشسهده اوقرون
وسطی آوروپانک کندن بوس بوتون باشقه ایدی . روسیهده هیچ برصنفک
حقوق سیاسیسی یوقدی . یالکتر قانون وحکمدارک کندیلرینه بخش
ایدیکی حقوق وامتیازاتدن مستفید ایدیلر . بونقطه دن روسیه جمعیتی وقتیه
ایکییه منقسمدی . صنوف ممتازه وصنوف غیر ممتازه . ایلك اولکیلر
خدمت عسکریده دن . تکالیف شاقه دن ومجازات جسمانیه دن معاف ایدیلر ؛
هریرده اولدیغی کبی بوس صنوف زادکان ورهانیدن عبارت اولوب بوکا
بورژوازی داخل دکلدی . لکن صنوف ممتازه آراسنده ممالک سائردهده کی
کبی اتحاد افکار توافقی حسیات و اخلاق یوقدی . مثلاً زادکان ایله رهایین
بینده هیچ بر رابطه ومناسبت موجود اولمایوب پاپاسلر تماماً مستقل بر
هیأتدی . اولر هر درلو تجمداته دشمن ، اخلاق وعادات قدیمیهده
محب ایدیلر . زادکان ایسه بالعکس آوروپانک مجلوییدی . و اوروپا
افکار وعاداتی آلق ایسته یین یالکتر بوسنقدی . دیگر طرفدن
خدمات دولته کیرن زادکان ایله بلادک ممتاز بورژوازیسی آراسندهده

حیات و منافع نقطه‌سندزده بر قرابت موجود دکلدی . ایسته معنی
و ماده یکدیگر بدن آیری اولان بوصوف اجتماعیه بینده هیچ بر رابطه
اتحاد یوقدی . دیمک روسیه‌ده آوروپاده‌کی کبی بر آریستوقراسی و بر
صنف متوسط اولامشدر . حکمداره قارشی روسلرک عدم اقتدارینه
برسبب دیگرده یوکیفتدر .

روس تشکل اجتماعیسنگ غرابتدن بریده بو درت مختلف صنفک
اکثریا بر برینه خصم و بیانچی فصیله‌له انقسامیدر . بیاض و سیاه
رهاین بیننده‌کی اثنیت بوتون روس صنف جمعیتده مندجدر . زادگانک ،
بورژووالرک ، کوبیلرک انواع مختلفه‌سی اولوب بوتون بونلرک حقوق
و وظائف مخصوصه‌سی واردر . اردوده ، دها دوعروسی روس قوای
عسکریه‌سندده آنجنکاور قبیله قازاقلردر . بونلر هر وقت بعض خصوصی
امتيازات و معافیاته مالک اولملردر . روسیه‌ده قازاق ، افکار حریت
و مساوات تخطر ایتدیرر . بر قزاق کبی حردینیرکه بو ، اجنبیه ویا
اراضیه تابع طوتولقی کبی ر اسارته دوچار اولمایان آدم دیمکدر . بعض
قازاقلرده ایسه اسکیدن فکر مساوات حکمفرمادی . بونلر لهستان
و موسقوانک تحت تابعیتده بر نوع دموقراتیک جمهوریتلر تشکیل
ایتمشلردی . « آتالند » لرینی رئیس‌لرینی بالذات انتخاب ایله آرالرنده
نه‌افندی ونده اسیرطانیلردی . صامویدلر ، قالدوکلر ، تاتارلر ، باشیکرلر ،
موسویلر ایسه بودرت صنفک بوس بوتون خارجنده قالمشلردی .

روسیه‌ده سکنه بلاد ایله اهالی قرا آراسنده کیت اعتباریلهده بر
نسبتسزک واردر . اکثریت عظیمه کوبیلرده‌در . بو ، روسیه حیات
اجتماعیه‌سند بر اهمیت فوق‌العاده‌نی حائردر . فی‌زمانا روسیه نفوسنگ
۸۵ فی کوبیللر تشکیل ایدر . شهرلرده آوروپا شهرلرینه بکزه‌من .
مثلا اخشاب و باصیق اوبر ، قالدیرمسز سوقاقلر ، قار ، چامور ، توز...
بر آوروپالییه بو شهرلر بر چول کبی کلیر . بر چوق زمان روسیه‌ده ،

حکمدارک اقامتگاهی اولان یردن بشقه برشهر یوق کیدی . بوده خاشدن
بر قله اطرافده داغیش ، اخشاب بر قصبه دن عبارتدی . طاش .
طوغله استعمالی ۱۸۱۲ حریق کیرندن صوکرادر . روسیه ده شهرلر
بحر محیط اوسته سریشمش کوچوک آله جقلره بکزر . یالکزشووقعه .
اخلاق و عادات ، افکار و تمایلات نقطه سندن نه اساسی بر فرق عظیمه
دلات ایدر . روسیه بوتقطه دن نه آوروپا و نده آمریقایه مشابهدر .
روسیه هنوز بر زراعت مملکتی ، کویلیلرک ایمراطورانی در . آمریقا
حکومات متحده سی ایله روسیه ، مدنیت جدیدک ضد ایکی قطبی در .
لهستان قرالیتده ایسه کویلرده و شهرلرده کی نفوس همان عینی نسبتده
اولدیغندن بوجیتدن روسیه دن فرقی اولوب آوروپا مملکتی کیدر .

روسیه ده شهرلر ارض مایدن طوغمشه ده هنوز ضعیف . داغیق
و آزدرد . کندیلرینه خاص نه بر حیات و نده مؤسسه مالکدرلر .
فکر ترقی ، فکر حریت و استقفا مهند طبعی سندن مفقوددر . روسیه ده
اخلاق و عادات ، مؤسسات و بوتون روابط اجتماعی بر چوق زمان
ساده و ابتدائی بعض شیلری محافظه ایشدر . شهرلر اوراده بر مرکز
اداره ، پنایر زمانلرنده بر محل مبادله اولمقده قالمشدر . اسکی موسقوا حکومته ده
شهرلره قریه لر ، بورژووالره کویلیلر آراسنده پک آز فرق واردی .
اون یدنجی عصر دن اعتباراً شهرلر عمومیتله قرادن تفریق ایدیلور .
اوزمانه قدر بلاد و قصبات عینی حقوقه مالک ، عینی مأمورینه تابعدی .
بورژوواده کویلینک طویراغه مربوطیتی کی دوغدیقی شهره باغلی ایدی .
برشهر دن دیکرینه کچمه سی ممنوعدی . مع مافیه روس شهرلرنده ده ممتاز
بر صنف موجوددی . بونلر بالخاصه تجارت بین الملل ایله اشتغال ایدن
زنکین تاجرلردی . بو آدملرک اکثریسی کنازلره مشاورلک و سفیرلک
ایشلردر بونلرک دوننده عادی تجاران ایله بورژووالر کلیوردی که اعضاسنی
حاکمه ایچین هر برینک دوماسی ، مجلسی واردی . بوتاجرلر و بورژووالر

پك مشكلاته صاحب نفوذ بر صنف تشكيل ايده بيليرلردى . واقعا اسكى كنز لره بويار عائله لرينك دشمنى اولان دردنجى ژان و مدھش ايوان اھالى شھورى و بالخاصه موسقووا بورژووالرينى يوكسلكمكه چاليشديلر؛ لکن چارلرک ألى موسقوواد حريات بلديهي غرس ايده مهدى . قؤوداليتھ ويا آريستوقراسنيك فقدانى بورژووازينك نشو و تماسنى تسهيل آيليه جك يرده مانع اولدى . حکمدارلر شھرلره استناد ايتمک خصوصده کنديلرنجه بر متعت کورمه ديلر . و شھرلرده بويوک واسال لره حکومت مرکز يه نك مبارزلرندن نفوذلرينى تزديد ايتمک وياسارلندن قورتولمق ايجون استفاد ايدمه ديلر . نه وسائط ثقلية ، نه صنايع و نه ده اھالى اولان بوشھرلرده بويوک ني يهرک تاريخ جلوسه قدر بورژووازي نامنه لايق هيچ بر صنف يوقدى ... شھورک قلتى ، صنايع ايله بويوک تجارتک عدم موجوديتى ، سربست مسالکک يوقلتى روسيه ده بر صنف متوسطک تشکلى زمانزه قدر تأخير ايتدى . و بويوک هنوز روسيه ده بورژووالرک کيت و کيفيتى آوروپاده کى اهميتى کنديسنه و يره بيله جک درجه ده دکلدرد . اواليوم اسكى سنيورلره سرفلرک آراسنده در . اسارت زادگان ايله کويى بيتنده بر رابطه ماديه دن عبارتدى .

روس اصالتک منابع و غنائى ايسه آوروپاده کى زادگانلغه بکزه مز . بو ، روسيه يه منحصر بر مؤسسه در . روس آريستوقراسيى چارک بتدکاني ايله خدمات عموميه رؤساندن مرکبدى ؛ اساساً بو آريستوقراسى ممالک غريبه ده کى مايينجياک کيىدى ؛ بالاخره حکمدارک خدمات خصوصيه سنده بولونان ذواته و بالاخره رجال دولته ده اشمال ايدلدى . ديمک ياسراى حکمداريدن و يا خود خدمات عموميه دن منبعث بر اصالت . ديگر طرفدن زادگانلق ده شخصى وارثى اولمق اوزره ايکى نوعدى . بر قسمى بابادن اولاده انتقال ايتمزدى . ديگر طرفدن سائر اسلاولر کى موسقو فلرده ده دوق ، قونت ، بارون القابى معلوم دکلدى . چونکه روسيه ده قؤوداليتھ ، دوقهلق و قونتلق اولما مشدر . يالکز عائله حکمدارى اعضاسى اينده بر

استنا واردی. صوکراری اجنبی تقلید ایتمک اوزره روسیه نئودالیتهدن کله بعض عنوانری آلدی. اکثر پرنس عائله‌لرینک کوتوکی روریک خاندانه منسوب اولوب زمانمزد بونلرک عددی آلتی کچمز. ایلک روس خاندانندن دولفروکیلر، باربانزکیلر، اوبونسکیلر، غورچاقوفلر... لیتوانیه‌ن خاندانندن ده خالیچینلر، قوراکینلر... کیشدر. ایشه بوملی قدیم روس حکمداران سلاونسندن معادا وقیله روس کنازلری میانسه قبول ایدیان اُسکی تاتار، کورچی، چرکس رؤسانندده یدی سکز عائله وازدر: مثلا چرماسکیلر، باغرابونلر... کچی. بوروس کنازلری آوروپا زادکانندن قدم و شهرت اعتباریه آشاخی دکلر سده کندیلرنده سیاسی بر آریستوقراسی تشکیل ایدجک عناصر مفقوددر؛ مثلا برلوردر مجلسی وجوده کتیریه مز. بویقیت روس جمعیتک وهرشیدن اول بالذات روس عائله‌سک صورت تشکله مریوطدر. کناز، تاجر، کویلی عائله‌لرنده حقوق والقب اعتباریه مساوات اولدینی کچی چوجوقلر آراسندهده مساوات حکفرمادر. ایشه بومده موقراتیک اساس ایله طوپراغک اوتیه‌سنه، بریسنه کلیشی کوزل سرپامش آریستوقراسی تخمیری یوکله مز. پرنس خاندانلرنده بر دفعه حقوق خصوصیه مالک بویوک اولاد، رئیس عائله یوقدی. پدرک ثروتی و عنوانی چوجقاره متساویاً انتقال ایدیوردی. بو پرنس عائله‌لری شیمدی روسیه‌ده برچوق دال، بوداق سالویرمش حقیقی برقیله تشکیل ایدرلرکه آرالرنده کی رابطه یا لکز بر اسمدن عبارتدر. مثلا بوکون ذکور و انانندن مرکب اوچ و یادر تیوز خالیچین عداد اولونیور. ایشه بوجهتله قافه قونسرلرده خالیچیلق ایدن و یا ایالتیاده شانتوزلک ایلیه‌ن روس پرنسی و پرنس‌لری نادر دکلدر.

بر مملکتک آریستوقراسی به میل ایتدیکنی بیلیمک ایچین ثروتی تقسیم ایدن قانون ویا عادتق تدقیق ایتله‌لی در. مورخ توقویله نظر آقوجه برملکی بر قاق آدمک اطرافنده جمع ایدن قوت وراسته متعلق قوانیندرکه طوپراقدن

آریستوقراسی بی چقاریر . بویوک تقسیم ایله این وده موقراسی بی وجوده کتیرن دهمینه بوقانونلردر . حال بویه روس زادگاننده بویوک اولاد ذکوره صورت متساویهده تقسیم بوقاعده عمومیه ایدی . روسیهده بویوک بویوک خاندانلرک برر برر محو اولمانک سببی اولنرک مستثا شرائط اقتصادیه سنه مریوطدر : وسعت اراضی ، یکی بخرجلرک کشادی سایه بنده قیمت اراضینک سرعت ترقیسی ، اسارت کبی . . . بویوک بویوک بویوک باشقه برسبی ده قیزلره قانونلرک آز بر حصه ، میراث پدردن اون درنده برینی ویرمه سی در . اولنر اکثریا جنجالرینی آلیرلر . مدنیات قدیمیه کوره اوله نن بر قیز عائلهدن آیریشدر . لکن روسیهده قالدین فرانسهده اولدینی کبی زوجنک وصایتی آلتنده دکلدر . بعض کناز و بویاززاده لر مازورا اصولی تطبیقه تشبث ایتدیار . اساساً روس حقوقه « مازورا » اصولی ادخال ایدن بویوک بی یه دردر . ۱۷۱۴ ده نشر ایدیان امر حکمداری به نظراً اموال غیر منقوله نك كانه سی ورئدن یالکز برینه انتقال ایده جکدی . فقط اوزمان روسیهده ثروت منقوله هیچ مثابه بنده ایدی . بویوک بی یه ، بویوک اولاد برینه بابایه ، چوققلرندن ایسته دیکنه مالی ویرمک حقنی بخش ایتدی و بویوز مازورا ایله عائله به بر نوع اوتوقراسی کیردی . لکن ۱۹۳۰ ده بویوزول الغا ایدیلهرک مسلك قدیم اعاده اولوندی . حاصلی غریبه کی آریستوقراسینک نفوذ واستقلالنه روس زادگاننی هیچ بر وقت نائل اولمادی . بر آریستوقراسی اعصار مدیده نك اثریدر . حال بویه آسکی روس اسلاولرنده نه صالت ونهده آریستوقراسی واردی . بویازلر برنسک خدمتکارلریدی .

بر مملکتک حال اجتماعیسنی ایکی شی عین ایدر : طرز ملکیت ، وقانون میراث . روسیهده ملکیت اراضی غربک کمال سرعتله کچدیکی صفحاتدن پک چوق کریده قالمشدر . اونه عینی قطعیت ونهده عینی ثبات ودوامی حائردر . بو مختلف مقدراتک سببی اخلاق وعادات ، درجه مدنیات ، شکل

مملکت، وسعت اراضی و قدرت نفوسله ایضاح اولونور. أسکی روسلرده حق تصرف آئی تعیین ایدلمدیکی کبی حق حاکمیتدن ده پک آز فرقلی ایدی. اووقت طوپراغه بر ملک متروک کبی باقیلیردی. او کنیش صحرالری تحدید ایتک و تک بر آدمک حق تصرفی قبول آلهمک هر مملکتدن دهآ آز طبعی ایدی. اراضی یاپرنسه ویا قومونه عائد اولوب اهالی ساکنه مشترکاً زرع ایدرلردی. دیمک بعض رسوم و خدمات مقابلنده یالکر حق انتفاع واردی. چار وکناز طوپراغک حاکمی ایدی. حکمدار خدمت مقابلنده اراضی بی بویارلرینه توزیع آیلردی. واقعا ممالک غریبه دهده حاکمیت ایله حق تصرف یکدیگریته قاریشدیرلمشده روسیه ده بو طرز تلقی پک چوق زمان دوام ایتمشدر. ایکی نوع ملکیت واردی. بری اجداددن میراث صورتیه کلن، دیگریده طرف حکمداریدن بخش ایدیلن در. روسیه ده غرب آریستوقراسینسک اقامتگاهلرینه، شاتولریته، ارضه درجه مربوطیتلرینه دلالت ایدن استحکاماته بکنز هیچ برشی یوقدر. ثروت و اراضی حکمدارک کیفته تابعدی. روس زادکانی ایچین حق تصرف پاره قازانمغه برواصله اولوب کندینی او اراضیه اصلا باغلامازدی. و نفوذ، ثروت، مأموریت یالکزر سیرایدن استحصال ایدیلیردی. و بوندن دولای درکه بوتون مشهور عائله لر مظهر انعام و احسان اولق ارزوسیه چارک اطرافنده طوپلانیردی. اون دردنجی لوئی نک ورسای کبی قره مله نک ده کناز و بویارلر اوستنده مدھش بر نفوذ و جاذبه سی واردی. زادکان میاننده تقدم و تشریفات بر مسأله مهمه اولدیغندن بو کیفیت ده آرالرنده کی حس تعاونی محوایدیوردی. زادکاندن هپی یکدیگریله حال مبارزه ده ایدی. زراعتدن باشقه همان برشی اولمایان بر مملکتده کویلی آک مهم بر صنف تشکیل ایدر. روح ملی اهالی قراده بولونور. فی الحقیقه ده روس ادبیات حاضره سنک قهرمانی « موثریق » نامی ویریلن کویلیلردر. بر چوق روسلر ملتک حیات سادکیسنه عودت ایدرک و اونک منابع ناموس و فضیلتندن ایچهرک

اعادهٔ حیات ایتک سوداسنده درلر. بو، روسو نظریاتدن برینه دومکدر. بو حسن، کیزی بر فتوردن، بر غرور عظیم ملیدن، قومک قدرت حیاتیه واستقباله عامیانه بر ایماندن کلیور. اجنبی یی تقلیددن اوصانانلر مملکتده هرجهٔ بکارتی محافظه آیله یی ملته شناخوان اولورلر. ایشته هنوز قویون دریمی کیم روس کویلیلرینک اوکنده سرفرونک سبی بودر. هنوز آغزینی آچایان، اوایمان بو سفکس آتیده عجا ناصل بررول اوینایه حق؟ روس کویلیسینی بعضی یو کستیر، بعضی ده آچالتیر. حقیقت حالده ایسه روس کویلیسی پاستالک انسان حقدده دیدیکی کی: «نه اوقدر یو کسک ونهده اوقدر آچق» در. وموثریق هنوز نه قوتی ونهده ذکاسنی کوستره بیلمشدر.

اسارت زراعیه روسیه یه صوکرادن کله در. واقعا اسکی روسیه ده اسر واردی. لیکن بونلر اسیر حرب، ایفای دیندن عاجز مدیونلر، احتیاجدن ناشی آرزولریله نفسلری بر افندی یه صانان کیمسه لردی. و بو نوع اسیرلر آز مقدارده اولوب کویلیلر حرتلقی ایدیلردی. لکن کویلیلر پک چابوق حرب آدملریله زادکانک مواجهه سنده پک دون بر موقعده قائلیلر. و «موثریق» کوچوک آدملر دیمکدر. اسارتک تأسسندن اول موثریق لک باشلی رولی حکمدارلرک بندکانه ویردیکی اراضی یی زرع ایتمکدی. اوزمان موثریق لره خدمت آیله دکلی افندی یه ونهده چفت سوردکلی طور اغه مربوط ایدی. بویارلر، ناصیل کیفلینه کوره بر پرئسندن دیگرینه کچه بیلورسه موثریق لرده او یله آرزولریله بر افندیدن دیگر افندی یه کیده بیللردی. بر طور اقدن دیگرینه سربستی مرور حقنی موسقوا کویلیلری صوگ رور بقو و یچلر زماننده عمویتله سنهده بر کره استعمال ایدیلورلری. حالبوکه تارلاره آدم لازم اولدیقتن اراضی صاحباری موثریق لری محافظه ایتک ایچین زوالیلری وقت معینه سرخوش ایده رک آلیقوبورلردی. یاواش یاواش کویلی بواقدر دزدده محروم اولدی. لیکن

خاطره سنی هیچ اونو نمادی ؛ بوکون بیلہ حضریالاسده شلکنی یاپار .
 اوزرنده بولوندیغی طوپراغی ترک ایتمهک قاعدہسی اولا موقت ایکن بر
 چوق حکمدارلر طرفدن تجدید وتأییدایملکه دولتک قوانین اساسیه سندن
 بری اولدی . و بو ، ملتک اُک میم بروقتہ تاریخیه سی ایکن کورولمہ دن
 کچدی . اون آنتیجی عصرک نہایتندہ لتوآنیہ نلر وبوتون شوالیہ لریلہ
 روسیه حال حربده ایدی . قلت نفوسدن اراضی ایشلنہ میور ، واصحاب تیمار
 کویلیلری قاپیشوردی . بو حال بر دفنہ روسیه یی حیات تاریخیه سنک
 اُکمهک بردورہ سندہ موسقوا قوای عسکریہ سنی ضعفہ دوچار ایدیوردی ؛
 ثانیاً ویرکی آلان اشخاصک دائمی مهاجرتلری ، سرسریانکری ، امور
 مالیہ نک انتظامی بوزولیوردی . مملکتہ منظم منابع عسکریہ ومالیہ
 تأمین ایتماک ایچین اُکسادہ طریق کویلی یی تارلایہ ، بورژووا یی ده او طور دیغی
 شہرہ باغلامقبدن عبارتدی . ایشته بونی بوریس غودونوف ایلہ اون یدنچی
 عصرده کی چارلر موقع طیقہ تویدیلر . دیمک اولویورک روسیه ده کی اسارت
 زراعیہ نک منشأ اصول اداره ایلہ موسقوانک شرائط اقتصادیه واتیمیه .
 سندن چیقمشدر . چونکہ روسیه ده انسان ، طوپراغہ پک آز باغلا نیور ؛
 زراعت ایچین پک آز بر ذوق حس ایدیوردی . کویلیلر ده الان حیات
 سرسریانہ حسی موجوددر . ۱۵۹۳ ده ، مدعش ایوانک اوغلی قودور
 زمانندہ بوریس غودونوفک شویقیلہ کویلیلردن برارضدن دیکرینہ سربستی
 مرور حق لری نزع ایدلدی ؛ وبوتد بوردن ده موثریتک اسارتی تولدایتدی .
 برکرہ ارضہ باغلانان کویلی پیدرپی بوتون حقوق مدنیہ سنی غائب ایدہ رک
 واضع قانونک اولجہ کوزہ مدینکی بر حال اسارتہ دوشدی . ایلک رومانوفلرک
 ارادہ لری غودونوفک اثرینی صدیق واکمال ایتدی .

لکن بواصول روسیه نک ہر نقطہ سندہ تطبیق اولونمادی ؛ مثلاً
 جنوبہ کی قازاقلر رد ایتدکاری کی ہان چولہ بکزمین ممالک بعیدہ دمہ
 مساوات ابتدائیہ مثلاًو حریتہ دمہ محافظہ ایدلدی . اسارتہ گرفتار اولان

عمومیتله روسلردی . یوقسه شرقی تاتارلر ، بسارابیاده کی رومه نلر، آلمان مستعمرلری، فینو اقبائلی حریتلرینه تعرض ایتدیرمه دیلر . دیگر طرفدن طورباغه باغلانان کوباینک شرائط موجودیتی ده عاداته ، مملکته ، بکه کوره متحولدی . بونک باشلیجه سی آنغاریه یعنی سینیور ویا بویار ایچین چالیشمق؛ ایکنجیسی ده بر رسم سنوی تأدیه سیله مکلف اولمقدی . اسیرک ائندیسى منفعتله چالیشماسی شکل ابتدائی ایدی . کویلیر بوضورتده هفته ده اوچ کون صاحب ارض ایچین زراعت ایدیلورلر، دیگر کونلرده ده کندی حسابلرینه چالیشیلورلردی . آنغاریه یه نسبتله رسم تقدی اسارتک تخفیف دیلمکدی . بوسایه ده کویلی حریتی ایتسه دیککی وجه ایله قوللانیه بیامک حقی موقتاً ساتون آلیوردی . وبورسم موقعه کورده کیشیور، وبک لدی الحاجه سرفینه تارلاباشنه دعوت ایده ییلوردی . او، حریدی ؛ لکن غیرمرئی بر رابطه کندیلدی . ائندیسنه باغلیوردی . تأدیه ایدیلن رسم عمومیتله ۲۵ ایله ۵۰ فرانک آراسنده متوجدی . حکمداره منسوب کویلیرله کلنجه بونلر اراضی امیریه اوستنده یارلشه نلر اولوب رسوم محلیه دن ماعدا اجاره زمین نامیه هر کویلی ۲، ۳ روبله ویریوردی . بوکویلیرک موقعی بالطبع ده ائی ایدی .

کویلیر روسیه ده اراضی یه اسکیدنبری مشترکاً تصرف ایدرلردی . کویلی اوراده بوجیتدن شیمدی ده « قومونه » مربوطدر . اونلرک حریت وحق تصرفلری بر درجه یه قدر مشترک و غیرقابل تقسیمدر . قومونوته نك خارجنده کمال مشکلاته حرکت ایده ییلیرلر . روس کویلیرلرله جاری اولان ملکیت مشترکه اساسی آوروپا نك چوق زمان صوکره کورمشد . وستفالیه لی هانتا ورن ۴۳ - ۱۸۴۲ سنه سنده روسیه یه وقوع بولان سیاحتی اثناسنده بونی کشف ایدرک ایلک دفعه اولمق اوزره آوروپا یه بیلدیرمشد . برچوق روس محررلری بوملکیت مشترکه اصولی اسلاو دهاسنه عطف ایدرک بونی مدنیت جدیدک بردستوری یاغعه تشبث

ایندیلر. تبعات اخیرۀ تاریخیه و مقایسۀ قوانین بوخیالاتی داغیتدی. اسلاو قومونوته لرینه بکزر مؤسسات زراعیه لاپونلر، صامویدلر، جاوالیلر، هندیلر... کبی اقوامده کشف اولوندی. اساساً ملکیت مشترکه ضویراغک اَلْقدیم برطرز استیلاسی در. ملکیت شخصی ایه طرز جدیددر. بناءً علیه «میر» اصولی غائب اولمش برماضینک شاهدی، بقیه سی کیدر. بو، ارضه مربوطیت و حاکمیت سیاسیۀ احتیاجاتندن تولد ایتشد. برکره روسیه ده اراضی غایت واسع، نفوس ایه پک آز اولدیغندن ملکیت شخصییه احتیاج حس ایدله دی. روس قومونه توسع ایتش برعائله کبی ده باقیلا بیلیر. رئیس عائله روسیه ده برچارکبی حاکم مطلقدر. بو، رومالیرده ابونینک نفوذ و اقتدارینه بکزر. چارکبی بابانک ده حاکمیتی برنوع حقوق التبییه مستنددر که اوکافارشی هر نوع عصیان کفردر. وکنجلر اختیارلره صولک درجه حرمت ایدرلر. نسوانک موقعی ایه پک دوندر. طبقۀ بالایه منسوب نسوان تربیه و معلومات سایه سنده آرککلرله مساوات ادعا ایده بیلیرلر سده صنوف سافله ده کی قادیئلر قوجه لرینک برمالی کبی اولوب کندیلر نده نه فکر استقلال ونه ده شخصایت واردر.

- مابعدی وار -

انجمه شعیب

